

Leikhlé – þúsund árin

Guð vill endanlega stöðva alla kvöl og þjáningu syndarinnar og stofna hið eilífa ríki kærleiks og frelsis. Guð mun senda Jesú aftur til jarðarinnar. En í þetta skiptið ekki til þess að verða fyrir auðmýkingu og höfnun, heldur mun hann koma í mætti og mikilli dýrð til þess að safna saman fólki sínu, þeim sem lágu í gröfum sínum ásamt þeim sem eru enn á lífi, og taka þá heim til þess að vera með sér að eilífu. En snúum okkur aftur til jarðarinnar og lítum á hvaða áhrif endurkoma Krists mun hafa á plánetuna okkar.

1. Hvað kemur fyrir þá sem eru „í Kristi“ (bæði lifandi og dánir) þegar Jesús kemur aftur? 1 Þessaloníkubréf 4.17

2. Hvað kemur fyrir þá sem eru enn á lífi og hafna Kristi þegar hann kemur aftur? 2 Þessaloníkubréf 2.8; Jeremía 25.33

Ath: Vantrúaðir munu ekki þola endurkomuna því að syndin, sem þeir hafa kosið að halda í með því að hafna gjöf Guðs, þ.e. frelsuninni í Jesú Kristi, getur ekki staðið frammi fyrir heilögum Guði. Kristur mun ekki aðeins koma sem maður; hann mun koma í guðlegri dýrð. Hebreabréfið 12.29 segir að vor Guð sé eyðandi eldur og birta endurkomunnar mun eyða hinum vantrúuðu.

3. Hvernig verður ásigkomulag jarðarinnar eftir endurkomu Krists? 2 Pétursbréf 3.10; Jesaja 24.3-6

Ath. Það verður ekkert líf á jörðinni. Allt andrúmsloftið er farið þar sem frumefnin sjálf hafa sundurleyst í brennandi hita endurkomu Krists. En endanleg eyðing syndarinnar og syndaranna á enn eftir að eiga sér stað því að Guð segir: „en aleyðing á því vil ég ekki gjöra“. Jeremía 4.27. Þetta er aðeins fyrsta skrefið í að setja upp konungsríki Guðs.

4. Hvað verður um Satan við endurkomu Krists? Opinberunarbókin 20.1-3

Ath. Orðið „undirdjúp“ er sama gríska orðið og „djúp“ í 1 Mósebók 1.2. Jörðin verður í sama ásigkomulagi og þegar Guð hóf sköpunarverkið. Hún verður auð og tóm. Þar mun Guð gefa Satan og englum hans „leikhlé“ í hvorki meira né minna en í eitt þúsund ár. Djöfullinn neyðist þá til að hugsa um alla þjáninguna og eyðinguna sem hann hefur valdið jörðunni. En ennþá mikilvægara er að alheimurinn fær að sjá

15-2

alla þá kvöl og þjáningu sem syndin veldur. Hann fullyrti við engla himinsins að hans leiðir væru betri en Guðs. Hann sagði englunum að hann yrði sanngjarnari stjórnandi. Hið sanna eðli Satans verður afhjúpað að fullu við lok þúsund ára.

5. Hvenær munu hinir óguðlegu sem dánir eru verða reistir upp? Opínberunarbókin 20.5

Ath. Hinir illu sem dóu við birtu endurkomunnar, og hinir illu sem lágu þá í gröfum sínum, rísa saman upp við lok þúsund ára.

6. Hvað er fólk Guðs að gera þessi þúsund ár? Opínberunarbókin 20.4-6; 1 Korintubréf 6.2-3

Ath. Það verða margar ósvaraðar spurningar þegar við komum til himins með Kristi. Í kærleik sínum og meðaumkun hefur Guð sett eitt þúsund ár til hliðar til þess að svara öllum okkar spurningum. Það er Guði mikilvægt að við skiljum dóminn yfir hinum glötuðu (þ. á m. Satan og englum hans) og tökum þátt í honum.

7. Hvað verður um Satan og engla hans við lok þúsund ára? Jesaja 24,19-23; Opínberunarbókin 20,7

8. Hvað sá Jóhannes koma ofan af himni? Opínberunarbókin 21.2

9. Hvað mun Satan gera sem sýnir greinilega að hann hefur ekkert breyst? Opínberunarbókin 20.7-9

Ath. Satan er bundinn í nákvæmlega jafn langan tíma og þeir sem glataðir eru og dánir, og hann verður leystur á sama tíma og hinir óguðlegu eru reistir upp en aðeins í stuttan tíma. Á þeim stað sem þeir féllu eða dóu á jörðunni munu þeir reistir upp til lífsins. Þeir halda áfram illsku sinni undir blekkingum Satans, rétt eins og þegar þeir lifðu, og eru jafn tilbúnir að hlýða honum sem fyrr.

10. Hvað gerist rétt fyrir eyðingu hinna óguðlegu? Opínberunarbókin 20.11-13

11. Hvers vegna eru hinir óguðlegu reistir upp til lífsins? Júdasarbréf 14-15

15-3

Ath. Guð vill að hinir óguðlegu sjái að það var einungis höfnun þeirra á Kristi sem olli því að þeir glatast, ekkert annað. Guð er reyndar fyrir rétti að því leyti að hann vill sanna fyrir öllum alheiminum að ásakanir Satans gegn honum hafa alltaf verið og verða alltaf rangar. Guð verður að sanna að hann sé réttlátur frammi fyrir alheiminum. Það var efi sem olli því að syndin kom inn í heiminn til að byrja með og Guð getur ekki tekið þá áhættu að syndin komi aftur inn í alheiminn.

12. Hvernig stöðvar Guð algjörlega árás Satans á borgina helgu? Opinberunarbókin 20.9

13. Hvað mun koma fyrir jörðina eftir að Satan og herfylkingum hans hefur verið eytt?
2 Pétursbréf 3.13; Opinberunarbókin 21.1-8

Samantekt: Í þessum kafla Opinberunarbókarinnar eru hinar ótrúlegustu lýsingar á lokaatburðum jarðarinnar sem til eru. Eins og við sjáum mæta allir endanlegum örlögum sínum við endurkomu Krists. En enginn þarf að upplifa þá angist sem glötunin veldur. Jesús býður öllum eilíft líf. „Kom þú! Og sá sem þyrstur er, hann komi. Hver sem vill, hann fær ókeypis lífsins vatn.“ Opinberunarbókin 22.17.

Svör við nr. 15

Spurning 1 – Við munum mæta Kristi í loftinu

Spurning 2 – Þeim mun eytt verða

Spurning 3 – Jörðin verður brennd upp og auð

Spurning 4 – Hann verður læstur í „undirdjúpinu“ í eitt þúsund ár

Spurning 5 – Þegar þúsund árin eru liðin

Spurning 6 – Þeir ríkja með Kristi og taka þátt í dóminum

Spurning 7 – Þeir verða leystir

Spurning 8 – Borgina helgu, nýju Jerúsalem

Spurning 9 – Satan blekkir hina óguðlegu og hvetur þá til að ráðast á borgina helgu

Spurning 10 – Dómurinn

Spurning 11 – Svo að þeir geti séð að þeir sjálfir réðu örlögum sínum

Spurning 12 – Eldur fellur af himni ofan og eyðir þeim algjörlega

Spurning 13 – Jörðin verður endurnýjuð